

## HGBN

### [EUSKALHERRIAN MAHASTIRIK]

Euskalherrian mahastirik  
landatzen denik ere  
euskaldun askok ote  
dakiten, ez dakit.  
Euskalherrian askok  
euskera landatzen denik  
ba ote dakiten  
ez dakidan bezela.

Baina Euskalherrian  
lantzen da mahastirik,  
euskaldun askok, agian,  
jakin ezagatik.  
Baita euskerarik  
ere bada lantzen,  
Euskalherriko zenbait  
ohartu ezarren.

Baina Euskalherrian,  
euskera-zale  
diranen pare,  
mahasti-zaleak neke  
asko hartzen dute;  
neke  
neke  
merke  
asko hartu  
ere. [I]